



OPĆINA KAKANJ

*Služba za društvene djelatnosti, boračka
pitanja, raseljena lica, izbjeglice i povratnike*

MUNICIPALITY OF KAKANJ

*Department of Social Affairs, War-Veterans,
Displaced Persons, Refugees, and Returnees*

Broj: 07/1- 04 - 5257 /23

Datum: 24.3.2023. godine

Na osnovu člana 38. Statuta općine Kakanj („Službene novine Općine Kakanj“, broj: 4/08), Budžeta Općine Kakanj za 2023. godinu i Odluke o izvršavanju Budžeta Općine Kakanj za 2023. godinu („Službene novine Općine Kakanj“, broj:12/22), Općina Kakanj putem Službe za društvene djelatnosti, boračka pitanja, raseljena lica, izbjeglice i povratnike, r a s p i s u j e:

JAVNI POZIV

za sufinansiranje projekata/programa organizacija civilnog društva iz Budžeta Općine Kakanj za 2023. godinu

I - PREDMET JAVNOG POZIVA

Predmet javnog poziva je dodjela novčanih sredstava za sufinansiranje projekata/programa organizacija civilnog društva planiranih u Budžetu Općine Kakanj za 2023. godinu, na poziciji 614300 Program ostalih udruženja.

Planirana sredstva se dodjeljuju u skladu sa Odlukom o izvršavanju Budžeta Općine Kakanj za 2023. godinu („Službene novine Općine Kakanj“, broj:12/22).

II – PRIORITETNE OBLASTI

Budžetska sredstva će se dodijeliti za sufinansiranje projekata/programa iz sljedećih prioritarnih oblasti:

- 1) obrazovanje sa naglaskom na edukacije koje nisu obuhvaćene redovnim programima obrazovanja,
- 2) podrška marginaliziranim grupama žena za sticanje potrebnih kvalifikacija na tržištu rada,
- 3) inovativni projekti koji podstiču unaprjeđenje znanja i vještina stanovništva u ruralnim sredinama,
- 4) projekti koji promoviraju ljudska prava i ravnopravnost spolova,
- 5) razvoj civilnog društva sa ciljem pokretanja inicijativa za zagovaranje institucionalnih rješenja koja daju odgovore na potrebe i pitanja građana,
- 6) projekti koji podstiču razvoj kulturnih sadržaja kroz promociju različitih vidova kulture i umjetnosti,
- 7) projekti koji podstiču socijalnu inkluziju, poboljšanje kvaliteta života i zaštitu mentalnog zdravlja osoba sa invaliditetom,
- 8) uključivanje ranjivih grupa u sportske aktivnosti na području općine Kakanj.

III – USLOVI ZA UČEŠĆE

Pravo učešća na Javnom pozivu imaju organizacije civilnog društva koje zadovoljavaju sljedeće uslove:

- da su osnovane i registrovane u Zeničko- dobojskom kantonu sa sjedištem u Kaknju
- da imaju kontinuitet u radu za ranije osnovane organizacije, odnosno program rada za novoosnovane organizacije
- da su realizovale i opravdale sredstva odobrena iz Budžeta Općine Kakanj u 2022. godini od drugih općinskih službi
- da su izmirile poreske obaveze
- da posjeduju finansijski izvještaj o poslovanju za prethodnu godinu
- da posjeduju izjavu ovlaštene osobe o namjenskom utrošku sredstava
- da posjeduju ugovor s bankom o otvaranju transakcijskog računa
- da posjeduju ID broj
- da posjeduju rješenja o registraciji za partnere ukoliko postoje
- da posjeduju podatke o osobi ili osobama koje realizuju projekat
- da posjeduju preporuke ili kopije ugovora koje potvrđuju sufinansiranje iz drugih izvora (nije obavezno)

Podnosilac prijave može kandidovati samo jedan projekat/program u jednoj oblasti, a maksimalan novčani iznos koji se može odobriti je do 3.000,00 KM.

Kandidovani projekat se mora realizovati na teritoriji općine Kakanj i to najkasnije do kraja kalendarske godine, odnosno do 31.12.2023. godine.

IV – ORGANIZACIJE KOJE NEMAJU PRAVO UČEŠĆA

Pravo učešća na Javnom pozivu nemaju organizacije civilnog društva koje imaju status organizacije od posebnog interesa za općinu Kakanj, odnosno organizacije za čiji rad i aktivnosti su sredstva obezbijeđena u Budžetu Općine Kakanj za 2023. godinu, kao i sportska udruženja.

Navedenim subjektima budžetska sredstva će se dodjeljivati po posebnim kriterijima koji nisu predmet ovog javnog poziva.

V – PROJEKTI KOJI SE NEĆE FINANSIRATI

Po ovom Javnom pozivu neće se finansirati sljedeći projekti/programi:

- projekti udruženja koja nisu izvršila svoje obaveze po ranije odobrenim projektima finansiranim iz budžeta Općine,
- projekti koji se isključivo odnose na jednokratne manifestacije, osim u slučajevima kada su dio trajnijeg i sveobuhvatnijeg projekta ili imaju tradicionalni karakter,
- projekti koji se odnose na finansiranje redovnih aktivnosti podnosioca projektnog prijedloga ili njihovih partnera,
- projekti koji se baziraju na investicionim ulaganjima, adaptaciji ili izgradnji kapitalnih objekata ili na kupovini opreme osim ako je neophodna za uspješnu implementaciju projekta,
- projekti kojima je predviđeni dio administrativnih troškova (ljudski resursi, putovanja/prevoz, kancelarijski troškovi) veći od 20 % od ukupnih troškova projekta,
- projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima, i sl.
- projekti koji su namijenjeni za isključivu dobit pojedinca,
- projekti koji se zasnivaju na dodjeljivanju sredstava trećoj strani.

VI – POTREBNA DOKUMENTACIJA

Uz prijavu po Javnom pozivu treba priložiti sljedeće dokumente:

- Prilog 1 – Prijavni obrazac
- Prilog 2 – Pregled budžeta,
- Prilog 3 – Izjava o namjenskom utrošku sredstava
- Prilog 4 – Obrazac za finansijski izvještaj
- Prilog 5 – Izvještaj o realizaciji- narativni

Obrasci navedenih dokumenata popunjavaju se isključivo elektronski i mogu se preuzeti sa zvanične web-stranice Općine (www.kakanj.gov.ba).

Podnosioci prijave koji se prijavljuju na Javni poziv dužni su uz popunjen prijavni obrazac dostaviti dodatnu dokumentaciju i to:

- izvod iz registra udruženja ne stariji od mjesec dana izdat od strane Ministarstva za pravosuđe i upravu Zeničko-dobojskog kantona
- opisni izvještaj o realizovanim projektima u protekle tri godine za ranije osnovane organizacije, odnosno program rada za tekuću ili narednu godinu za novoosnovane organizacije,
- potvrdu o realiziranju i dostavljanju izvještaja o odobrenim sredstvima iz Budžeta Općine Kakanj za 2022. godinu. Potvrdu pribaviti od općinske službe koja je pratila realizaciju odobrenih projekata (jedna ili više odvojenih potvrda ako su realizaciju pratile više općinskih službi)
- uvjerenje o izmirenim poreskim obavezama,
- finansijski izvještaj o poslovanju za prethodnu godinu ovjeren od Agencije za finansijsko poslovanje - AFIP , osim ako je udruženje registrovano u godini objavljivanja javnog poziva,
- kopija ugovora s bankom o otvaranju transakcijskog računa,
- rješenje o registraciji za partnere ukoliko postoje,
- podatke o osobi ili osobama koje realizuju projekat (kraću biografiju sa dokazima),
- preporuke ili kopije ugovora kojima se potvrđuje sufinansiranje iz drugih izvora (predstavljaju prednost i neće biti eliminatorne).

Dokumenti koji se dostavljaju kao dokaz o ispunjavanju uslova moraju biti originali ili ovjerene fotokopije.

VII – RAZMATRANJE PRIJAVA

Ocjenjivanje (bodovanje) prispjelih projekata/programa i sačinjavanje prijedloga Odluke o raspodjeli sredstava za sufinansiranje odabranih projekata vršit će Komisija za ocjenjivanje i odabir projekata koju imenuje Općinski načelnik.

Komisija će prijedlog Odluke dostaviti Općinskom načelniku najkasnije mjesec dana od dana zatvaranja Javnog poziva.

Konačnu Odluku o raspodjeli sredstava donosi Općinski načelnik, nakon čega će se sa odabranim aplikantima zaključiti pojedinačni ugovori, kojim će se bliže definisati prava i obaveze davaoca i korisnika sredstava.

VIII - OBAVEZE UČESNIKA

Podnosioci prijava su obavezni dostaviti vjerodostojne i tačne podatke, dokaze ili navode koji se traže ovim javnim pozivom. Ukoliko se utvrdi da je podnosilac prijave dostavio netačne ili lažne podatke, njegova prijava se neće uzimati u razmatranje.

IX – PODNOŠENJE PRIJAVE

Prijava s navedenom dokumentacijom dostavlja se na protokol Općine Kakanj -Služba za društvene djelatnosti, boračka pitanja, raseljena lica, izbjeglice i povratnike – u vremenu od 7,00 do 15,30 sati ili poštom na adresu Općina Kakanj, Ulica branilaca 1, 72240 Kakanj, u zatvorenoj koverti s naznakom:

„Prijava na Javni poziv za sufinansiranje projekata/programa organizacija civilnog društva iz Budžeta Općine Kakanj za 2023. godinu“ (Ne otvarati).

Rok za podnošenje prijava je **13. 4. 2023. godine, do 15,30 sati.**

Neblagovremene, nepotpune i neuredne prijave neće biti razmatrane.

Dostavljena dokumentacije se ne vraća.

Dostavljeno:

1x oglasna ploča

1x web stranica Općine



POMOĆNIK OPĆINSKOG NAČELNIKA


Aliefendić Edin